



मेख्वन्ती सहाया

वाटसन गुडमेनम ले-के

खोडोचका

मिथयस—बीभारी मला

धर्मस गहि कथा मैइयन्ती बरई अरा धरम खतरी कीड़ा
 अरा ओनका सारउर ओमर गहि जियागे सहाड़ा चिःई ।
 एकअम ओर्तस पाप ती पशतारदस अरा अदिन तरकूटी नन्दस
 चिःइदस, अन्तिले ब्रह्मायउ उर्वस यीयु ख्रिस्तासिन तंगहै सौंसे
 जिया ती पत्तःआदस आसगे उर्वस यीशुस तानिम दहदर मनोस
 अरा प.त्तठसगे आस तानिम रिभिरनन अरा जोळजारेनन
 चिःओस । एन-गा ए-निम १६३७ चान नू इदिन एंगहै जिया
 नू खकखरकन । आ उल्लनवी अक्कुन गूटी उमी उल्ला उर्वस संगे
 मेसेरकन रअःदन ।

अक्कुन गूटी उर्वस गहि खेकखान तंगअन अरगय जिमा
 नना होले ए-न निंगन हों बिन्ती नन्दन का तंगअन अक्कुनिम
 आस गहि तन्वेनू ह.रछःअर चिआ । —वाटसन गुडमैन

धर्मस गहि चोन्हा

प्रकाशित वाक्य १ : ५

योशु ख्रिस्तस, पचःआना जोवखा गोवाही चिउस, अरा केच्चकर गहि मभिन्ती उज्जा चुःउनु ओतखासिम जेट्टस अरा खे-खेलता बे-लर गहि बे-ल तलदस, आस नमन दुलार नन्दस अरा तंगहे खेःएना ती नमन नमहे पाप ती लांड़ियस । आस तरती निमागे चोन्हा अरा जिया सालना खक्खरनुम रःअन नेकआ ।

योहन ३ : १६

धर्मस खे-खलन इंवदा चोन्हा नन्जस, का आस तंगहे ओर्त एकला तंगदासिन चीचिच्चस, एकती आसनु ओमी पत्तःउर नाश मला मनोर, पहकन मलमुंजुरना उज्जनन खक्खोर ।

रोमी ५ : ८

धर्मस नमन एवं बगे चोन्हा नन्दस अदिन ए-दकस रःअदस इदातो पपहा रःअना बेड़ानुम ख्रिस्तस नमहे करने केच्चस ।

यीशु ख्रीस्तस धर्मस त लदस ।

१ तिमोथी ३ : १६

नमहै धर्मस गहि गुदा कथा एंवदा कोहा रई इदिन ओर्मर माइन
हो:अनर !

यीशूस आल रुपेनू एत्थरस ।

बो-लतानू धर्मी ठहरारस ।

अरा मेर्खा दूतर आसिन ईरयर ।

राजी राजिन्ता आजर आस गहि पतनू परचार नन्जर ।

खे-खेलता आलर आसनू पताचर ।

अरा आस मेर्खा मैइया अरिगयस ।

मत्ती १ : २२, २३

इबड़ा उर्मी ईगे मंनजा एकत्ती नबिसती आनका उर्बंस धर्मस गहि
कथा सत्ते उर्खन नेकआ: “ए-रा डिण्डा पेल्लो ओत्था ए-ख मनो अरा
खदासिन पाको, अरा आस इम्मानुएल बारओस (इदातो “धर्मस नम गने)” ।

यीशुस धर्मस गहि खद्दस

3

कोलोसी २ : ६

यीशु ख्रीस्तसनु मे-द गने धर्मे मनना छलछलरआ निन्दकी रःई ।

१ योहन ४ : १५

एकाओतंस यीशुसिन धर्म-खद्दस बःअर माइन होःअदस आस धर्मस
नू रःअदस अरा धर्मस आस नू ।

लूक १ : ३५

दूत अदिन आना किरताचा, नेम्हा बो-लता निग मैइया एत्तो अरा
धर्मस गहि सबंग निग नू ओकरोओ, ई करने आ नेम्हा खद्दस धर्म खद्दस
बारओस ।

यशै ६ : ६

ईगे का नमागे ओतं खद्दस कुन्द्रकस रःअदस, नमागे ओतं बबु खद्दस
चीरकस रःअदस । आस गहि खेसेर नू राजी नष्ठा गहि ओत्था चिरखी
रःओ । आस गहि नामे हयकट, मुद्यस, सौंगिया धर्मस सदो-सदो ता
बंगस अरा जिया सालना चिऊ बे-लस मनो ।

4 यीशुस ने त.लदस अदिन आस नमन तेंगदस ।

योहन ८ : ५८

यीशुस आनियस ए-न निमन मानी मानिम आनदन अब्रहामस गहि कुंद्रना मुन्धतिम ए-न रःअदन ।

योहन ११ : २५

नीम एंगन "गुरु" अरा "उर्बस" बःअदर अरा नीम ठोंकम आनदर, ईगे का ए-न एन्नेम त.लदन ।

योहन १० : ७

यीशुस आरिन फीन आनियस ए-न निमन मानी मानिम आनदन ए-न मेढो गहि बली त.लदन ।

योहन ६ : ३५

यीशुस आरिन तिगयस, "ए-न उज्जना गहि असमा त.लदन ने एंगुसन बरओस आस एकोउला हों कीड़ा मला सारओस अरा ने एंग नू पत्तोओस आस एकोउला हों ओनका मला सारओस ।

मत्ती २० : ३०-३४

एं-इ गोटंग अंधरर डहरे कूटी नू ओकरर यीशुस गहि कानन मेजर
 औगे आर चिचयारर, "ए दाऊद खदय" एम मैइया दया नना । यीशुस
 आर मैइया गम मोखस अरा आर गहि खन्नन एवंसरस । आ खनेम
 आर ए-रा हेल्सर अरा आसिन गुड़ियाचर ।

लूक ५ : ४-६

कच्छनकखरना मुजर आ खो-खा यीशुस शिमोनसिन आनियस
 "डोंगन हाड़ी गड्डी अम्म तरा हो:आ । अरा नीन संगियर गने इंजो
 धरआगे जल्लिन हेबड़ा ।" शिमोनोस आना किरताचस "गुरु ! ए-म
 भर माखा खड़दना गूटी नलख नन्जकम अन्नुहों एन्दराहो मला धरचकम
 प.हकन निगहै आनका लेखआ ए-न जल्लिन हेबड़ोन ।" ओर जल्लिन
 हिबिड़यर खने जल्ली एटेरना लेखआ अकय बग्गे इंजो बभररा ।

6 यीशु ख्रिस्तस सिरजुःउस अरा उर्वस त लदस

योहन १ : ३

यीशु ख्रिस्तस नू मनर धर्मस उर्मी आलोन कमचस । खे-खेल मेर्खा ता ओटःअकेम आलो हों आस बेगर मला कमरकी रःई ।

रोमी १४ : ६

यीशु ख्रिस्तस उज्जना अरा केच्चका आलर गहि उर्वस मनागे केच्चस अरा उज्जा चो-चस । प्रेरितक्रिया २ : ३६

ओर्मा इस्राइली आलर मानिम अखनर नेकआ का ई यीशु ख्रिस्ता-सीनिम ने-कन नीम कूश नू पिटकर, धर्मस उर्वस अरा मसीहस कमचकस रःअदस ।

कोलोसी १ : १६

ईमे का मेर्खा अरा खे-खेलता, ए-थेरना अरा मल ए-थेरना आलोन, बो-लता गहि सबंग तुले, उर्वर, हाकिमर, अरा अदिया उइयुर, उर्मी आलोन, धर्मस यीशु ख्रिस्तस गहि लेके अरा आसगेम सिरजाचस ।

यीशु ख्रिस्तस नाम ओमंत गहि रायबड़ी ननोस 7

रोमी १४ : १०

एन्देर गे नीन निगहै भैइस मैइया गुन्हा ठेका बःअदय एन्देर गे नीन निग भैइसिन मलकोड़े बःअदय । नाम ओमंत गे गा धर्मस गहि रायबड़ी बे-लकंडो मुन्धभारे इजना मनो ।

योहन ५ : २२

बंगस तनिम नेखै हों रायबड़ी मला नन्दस, आस तंगदस गे रायबड़ी ननना गहि उर्मी हक चिच्चकस बेःएदस ।

प्रेरित क्रिया १० : ४२

यीशुस एमन आलारिन सुसमाचार परचार ननागे अरा ई कत्था गहि गोवाही चिःआगे पे-सकस रःअदस का धर्मन केच्चका अरा उज्जना आकर गहि रायबड़ी ननागे यीशु ख्रिस्तसीनिम ठहराचकस रःअदस ।

बच्छरना एकला यीशुस ती रःई ।

इब्रानी ७ : २५

“यीशुस आस खतरी गोहरारआ गे सदी उज्जदस, ओंगे ने आस गहि लेके धर्मस गुसन अंडसनर आर गे आस गोढा लांडरनन चिःआ ओंगदस ।”

प्रेरित क्रिया ४ : १२

“लांडरना रोटओ यीशुसती रःई । नन्नरती लांडरना मल्ला, ईगे का मेखी बेलखा किय्या आलर मभी नू धर्मस नन्ना नामेन मला चिच्चकस रःअदस एकती नाम लांडरआ ओंगोत ।”

कोलोसी १ : १२-१४

बिल्ली नू रःअनर आ नेम्हा आलर गहि अदिया गहि खट्टरउ नाम मनोत । नमन ई जोवखा कमउ बंगासिन ओललगनुम रःआ । आसिम नमन ऊखा गहि तवे ती लांडर तंगआ आ दुलारु खदस गहि बेलखा नू ओंदरस एकान्नु नमा लांडरना इदातो पाप अम्बरना खविसरई ।

बच्छरना एकला यीशुस ती रःई ।

9

तितस २ : १४

तंगामे रोटओ दवनलख नू लक्किम रःऊ ओंटा जाति कमआगे यीशुस नमहे खतरी तंगन ची-चिःअर की नमन उमी हरमजदाई ती बछाबाचस अरा नेम्हा नन्जस ।

योहन १४ : ६

यीशुस आसिन आनियस "ए-निम डहरे, सत्तो, अरा उज्जना त.लदन एंगन अम्बर ने हों बबस गुसन अंडसा पुल्ली ।

प्रका. बा. ५ : ६

आर एन्ने बःअनुम ओंटा पुना डंडिन पाडियर :— नीन दांडे मन्जकय अरा निगहय खे-सो ती गोतर अरा भखा अरा आलर अरा जाइत ती धर्मस गे आलारिन लांडकय, ओगे नीन ई पुथिन होःआगे अरा अदि गहि छापन कोल्लागे जो-गे रःबदय ।

यीशुस गहि खँ-सो नमहै इउजी मंन्जा ।

इफिसी १ : ७

नमहै उबंस यीशु ख्रिस्तस गहि धर्मस, महबा गहि बंगस, तंगन
अखआ खतरी सिमागे लूर अरा उधार गहि बो-लतम चिःइदस नेकआ ।

१ योहन १ : ७

धर्मस एकासे बिल्ली नू रःअदस अन्नेम नाम बिल्ली नू ए-कोत, होले
आस संगे मेसेरकानू रःअदत, अरा आस गहि खद्स यीशुस गहि खँ-सो
नमन उर्मी पाप ती नेमहा ननी ।

इब्रानी ६ : १४

ख्रिस्तस गहि खँ-सो बग्गे नलख ननी । आस हुल्लोन्ती हुल्लोन्ता
नेमहा बो-लतस गहि लेके, धर्मस गे तंगन आटा दवनू पूरुचका दांडे अरगा-
चस, आ खँ-सो निमहै जिया गहि धकधकिन उज्जना धर्मस गहि तेतर-सुसर
ननागे केच्चका नलख गुट्टी ती और हों कोड़हे नेमहा ननो ।

यीशुस नू पत्तःआना तीं लांङरना मनी

॥

१ योहन ५ : ४

धर्मस ती कुन्दुरकर दुनियन जितनर अरा आ जीत एकदा दुनियन हरा बिःई आद नमहै पत्तःआना तली ।

इफिसी २ : ८, ९

ने-का हों जहड़ी ननना गहि अड्डा मल्ला, ईगे का ने हों तंगआ ती अरा तंगआ नलख ती लांङरआ पुल्ली । लांङरना रोटओ पत्तःआना ती धर्मस गहि दया अरा दान ती मनी ।

योहन ६ : २८, २९

खने आर आसिन बाचार; “धर्मस गहि नलख ननागे ए-म एदेर ननोम ? यीशुस आरिन आनियस, “ने-कन धर्मस तैइकस रःअदस आस मैइया पत्तःआ” ईदिम धर्मस गहि नलख तली ।”

धर्मस गहि सौग्गे ।

भजनसंहिता १०३ : ११

एकासे मेखा खे-खेल ती अकय मेच्छा नू रःई अन्नेम आसिन
इलचुर मैइया धर्मस गहि मलटगरना चोन्हा अकय बग्गे रःई ।

भजन संहिता १०३ : १७

उबंस गहि मलटगरना चोन्हा आसिन इलचुर मैइया हुल्लोन्ती हुल्लो
गूटी अरा आस गहि धरम आर गहि खद्दर गहि खद्दर मैइया रःई ।

तितस ३ : ५

यीशुस नमन लांडियस, नमहै नन्जका धरम गहि चड्डे मला प.हकन
तंगहे मयाती, पुना कुन्दुरना गहि एमना अरा नेमहा बो-लतस गहि लेके
नमन पुना कमनाती एन्ने नन्जस ।

निगहै मलटगरना चोन्हा मेखा मैइया अकय कोहा रःई निगहै
पत्तियार जोन्गे रःअना बदालिन ठिकई । भजन संहिता १०८ : ४

धर्मस नमन तंगुसन एङदस

13

प्रकाशित वाक्य २२ : १७

अरा बो-लतस अरा बिजरुउ पेल्हो इबोरिम आननर, बरा ! अरा
मिनुस हों आनदस नेकआ बरा ! अरा ओनका सारऊस बरदस नेकआ
अरा ने बिही आस उज्जना गहि अम्मन सिथयम ओन्दस नेकआ ।

मत्ती ११ : २८

ए नलखती खडदका अरा ओत्था चिरखी ती कजरका ओर्मा
आलारो, एंगुसन बरा, ए-न निमागे खन्न ए-खनन बिओन ।

यशायह १ : १८

उबंस बःअदस बरा अक्कुन नाम होड़ा बजी मनोत, निमहे पाप
लाही लेखआ इथरिई आद हों कीबा लेखआ पंडरुं मनो कालो अरा खे-सो
खोरओ आद हों तिलासार लेखआ मनो कालो ।

रोमी ८ : १४, १५

एंवदा आलर धर्मस गहि बो-लतस गहि ए-कतःआना लेखआ ए-कनर आरिम धर्मस गहि खद्दर त.लनर । एंदेरगेका निमा जो-ख मन्ना गहि बो-लता मला खक्खरा का नीम एलचोर, मुन्दा निमा एंवखोचका खद्द मन्ना गहि बो-लता खक्खरकी रःई, ओंगे नाम अना बा, अना बंग में-खदत ।

१ योहन ३ : १०

इत्ती नाम ए-रा ओंगदत का ने ने नाद गहि खद्दर त.लनर । एका ओर्तस दव नलख मला नन्दस, एका ओर्तस तंगहे भैइसिन चोन्हा मला ननदस, आस धर्मस सरती म.लदस ।

योहन १ : १२

ने ने आसिन ग'हन नन्जर, ने ने आस गहि नामे नू पत्ताचर आर गे आस धर्मस गहि खद्द खर्रा मन्ना गहि अदियन चिच्चस ।

उंखना गहि प.त्त नू धर्मस गहि कत्था ।

15

यशैयाह ५ : ११

आर मैहया हाय ! ने बिज्जातिम अरखी ओना हेलेरनर अरा
ऊखा-माखा उंखना गूटी चोतोर चोआ उन्नुम रःअनर ।

नीति बचन २३ : ३१, ३२

एका बीरी ढोठओ रासी खँ-सो ईथिरई, आ बीरी आद डुमा नू एका
नगद सुभई । आद तुंदरिई आ बीरी नीन अदिन अम्बा ए-रा । मुन्जा
नू आद नेरं लेखआ परमी अरा करैइत लेखआ खच्ची ।

गलाती ५ : १६ और २१

मे-द गहि नलख दहदर रःई, आद इबड़ा तली, भंडना, सोतबोड़आ,
खाड़पो, कमचकन ओललगना, देवडःआना, कांडना, लगा नक्खरना ।
अरा इबड़ा लेखआ नग्ना-नग्ना नलख । इबड़ा गहि पत्त नू ए-न निमन
मुन्धिम आनदन चिःइदन, एकासे मुन्ध हों आना खच्चकन बेःएदन का
एन्ने-एन्ने नलख ननुर धर्मस गहि बेल्खा गहि अदियन पोल्लोर खक्खा ।

एकासे आस ब.हरी सडक नू उरखस अन्नेम ओतं आलस आस गुसन
 बोंकासिम बरचस अरा आस गहि मुन्धभारे मूकुल इहरस अरा आसिन
 मेम्जस; “अना दव गुरु मुन्जा म.लका उज्जनन खक्खागे ए-न एन्देर
 ननोन ?” यीशुस आसिन आनियस, “नीन एंगन एन्देर मे दव बःअदय ?
 धर्मसिन अम्बर ने हों दव मल्ला । नीन गा पे-सका गुट्टिन अखदय, आल
 अम्बा पिटा, अम्बा भंडरआ, अम्बा खडआ, फसियड गोवाही अम्बा चिआ,
 अम्बा फसडआ, तंगआ बंगासिन अरा तंगआ अयंगन ओहमा नना ।”
 आस आसिन आना किरताचस, “ए गुरु, ए-न गा इबडन ओंद कुक्को
 परियनतिम पे-सेरनुम बरआ लगदन ।” यीशुस आसिन लुंड लुंडरआ
 ईरयस अरा आसिन चोम्हा नन्जस अरा आसिन आनियस निगनू ओंटा
 कत्था गहि घटी रःई । कला निगहय एंवदा रःई अबडन उमिन बीसर
 दरा कीडरगे चिःआ, अन्ति नीन मेर्खा नू खुर्जी खक्खोय, अरा बरा एंगने

चोंखोरआ । अगे ई कथा ती आस गहि मुंही चड़मिया केरा अरा आस
कोल्लम मनर किरिम बिच्चयस । आस गहि बगे खुरजी रहचा ।

अम्बा ठकरआ

17

याकुब १ : २२

आनका दव कथन मितू एकला मला प.हकन अदी लेखआ ननू-
ईकू हों मना, मलता नीन निगानिम ठकओय ।

इफिसी ५ : ६

ने हों निमत बैयतल कथा ती अम्बनर ठकनर नेकआ, ईगे का
इबड़ा करनेम धर्मस गहि पेन्सकन मला मनउर मैइया आस गहि
खींस मती ।

१ कोरिन्थ ६ : ६, १०

धरम म.लकर धर्मस गहि बेलखा गहि हकदार मला मनोर, नीम
एंदेर इदिन बलदर ? अम्बके ठकरआ; भन्डर गुसन कालुर, लुच्चर,
भंडरुउर, खड़उर, सीबाखारउर, उंखुर, किबुर अरा ठक्कउबच्चुर धर्मस गहि
बेलखा गहि हकन मला खकखोर ।

पाप खेःएनन उंदुरःई ।

लूक १५ : ३२

नमागे खुशमारना चाड रःई, ईगे का ई निमडिस केच्चकस रहचस
फिन उज्जयस, आस एबसेरकस रहचस फिन खक्खरस ।

याकुब १ : १५

चपचपी ओत्था ए-ख मनी दरा पापन कुंदुरतिःई अरा पाप प.रद-
खच्ची होले खेःएनन खंजतिःई ।

रोमी ५ : १२

ओतं आलस गहि ले-के पाप खे-खेल नू वरचा, अरा प'प गहि
ले-के खेःएना वरचा । ई करनेम ओमंर गे खेःएना मनी ।

हिजकियेल १८ : २०

पाप ननोस आस खेःओस । खद्दस तम्बस गहि अरा तम्बस खद्दस
गहि मलदव चिरखिन पोल्होस चेडआ । धमिस गहि धरम आस मैइया
मनो अरा पपहस गे पाप गहि खंजपा खक्खरोओ ।

योहन ११ : ४३, ४४

यीशुस कोहा सडाती मीखयस, ए इलियाजर उरखर बरा ! खने
आ केच्चका आलस किचरी ती खेडु खेवखा हे-रका अरा गमछाती मुंहिन
मुंधुचका बारी ब.हरी बरचस ।

योहन १० : १७, १८

ए-न एंगहे जियन चिःइदन ईगे बबस एगन चोन्हा नन्दस । एंगहे
जि न एका ओतंस हों एंगुसते मला बच्चदस, ब.चकन अदिन ईनिम
चिःइदन, अदिन चिःआगे एंगा अदिया रःई अरा फीन होआगे हों एंगा
अदिया रःई, एन्ने एंगन बबस पे-सकस रःअदस ।

प्रकाशित वाक्य १ : १८

ए-न केच्चकन रहचकन, ए-न हुल्लोन्ती हुल्लो गूटी उज्जदन, खेःएना
अरा नरक गह्नी गहि कुंजी एंगुसन रःई का ए-न अदिन फिन होओन ।

व्यवस्था विवरण ५ : ७-२१

एंगन अम्बर नीन ने-कन हों नन्नारिन धर्म अम्बा अखआ । मेख्वा
मैइता अरा किय्या खे-खेल ता का खे-खेल ती किय्या अम्म ता एकअम
आलो लेखआ मूर्ति अम्बा गढ़आ । अबड़ा गहि मुन्धभारे अम्बा मूकुल
इदिरःआ अरा अबड़न अम्बा सुमरआ । उर्बस निगहै धर्मस गहि नामेन
अंयधःअम अम्बा पिजा ईगे का धर्मस तंगहै नामेन अंयधःअम पिजुरिन
बेगर दंडे मला अम्बोस ।

एकासे उर्बस निगहै धर्मस निगन पे-सकस रःअदस नेमहा उह्न नेमहा
उइया । सोय्ये उल्ला निगहै उर्बो नलखन नना, सयता उल्ला उर्बस निगहै
धर्मस गहि खन्न ए-खना उल्ला तली ।

निगहै उर्बस धर्मस गहि पे-सका लेखआ निगहै अयो बबन महवा
नना ।

अम्बा पिटा ।

21

अम्बा भंडा ।

अम्बा खंडा ।

निगहे अरबर-परबर गहि बिडदो फसियड गोवाही अम्बा चिःआ ।

अरबस-परबस गहि आलिन, खल्ल उखाडिन, जों-खासिन, पेह्लोन,
ओय-अडोन, गदहन अरा एकअम आलोन सीबा अम्बा खारभा ।

नीम धर्मेस ती नूखुरआ पोलदर

यिरमियाह २३ : २४

उबंस बःअदस एन्देर नीकइम नूखुरका अड्डा नू नूखुरआ ओंगोस ?
एन्देर ए-न मेखी अरा खे-खलन मला टपचकन रःअदन ?

एन्दरा हों नूखरका मल्ला एकदा उघार मला मनो; अरा रन्दरा हों
कुलुरका मल्ला एकदा मला अखतारओ अरा दहदर मला मनो ।

ऐयुव ३४ : २१, २२

घर्मस गहि खन्न आलस गहि उज्जनन ए-कनन ईरी, आप आस गहि
उर्मी काना बरनन ए-रदस । ऊखा अरा खे:एना गहि ऐ-ख एकसन हों
मल्ला, एकसन मलदव ननुर नूखुरआ ओंगोर ।

नीतिबचन १५ : ३

उर्बंस घर्मस गहि खन्न उर्मी अड्डा नू र:ई अरा दव मलदव: ईरी ।

भजन संहिता १३६ : ८ और १२

ए-न मेखा मैइया अरगोन होले नीन असन र:अदय, ए-न नरक नू
पिटरी अट्टोन, ए-रा नीन असन र:अदय ह:ई ऊखा निगती पुाट्टी नुडआ,
मुन्दा माखा उल्ला लेखआ बिलची, निगागे ऊखा अरा बिल्ली ओंटादि न त.ली ।

भजन संहिता ६ : १७

पपहर अरा अबड़ा उमी जातियर ने धर्मसिन मूधुरई आर नरक
नू कालोर । मत्ती २५ : ४६

अरा ईर (पपहर) मल मुंजुरना सस्ती नू पहें धर्मिर मुन्जा म.लका
उज्जना नू कालोर । २रा पतरस ३ : ७

धर्मस गहि आ कत्यातिम ई बेड़ान्ता खे-खेल अरा मेर्खा चिच्चती
नाश मनना खतरी जतनारआ लगी अरा एकीउला पपहर गहि रायबड़ी
मनो अरा आर नाश नन्तारओर आ उल्ला गे उइरआ लगी ।

आलस गहि खदस तंगहै दूतारिन तैइयोस, अरा आर आस गहि
बेळखन्ती उमी पाप नन्तुउरिन अरा अनआ मनआ गहि मलद्व ननुरिन
खों-ड़ओर । अरा आरिन चिच्च गहि भट्टा नू हेबड़ोर, ऐइया आर गे
चीखना दरा पल्ल चबरना मनो । मत्ती १३ : ४१, ४२

मुन्धभारे रायबड़ी रःई

इवानी ६ : २७

आलर मे ओंघोन खेःएना अरा अदी खो-खा रायबड़ी उरकी बिःई ।

१ योहन ४ : १७

ई गेम लोला नमनू पुंगुरकी बिःई का रायबड़ी उल्ला नू नमा डिठ मनो एन्देरगे का एकासे आस रःअदस अन्नेम नाम हं खे-खेल नू रःअदत ।

रोमी १४ : १२

नाम ओर्त-ओर्त धर्मस मे तंगआ-तंगआ लेवखा चिओत ।

प्रेरित क्रिया १७ : ३१

आस उंदुल उल्लन उइकस रःअदस, एकन्तू आस धरमतो खे-खेल मेर्ला गहि रायबड़ी आ आलस नू ननोस ने-कन आस केच्चकर ती उज्जा खो-अर इज्जताचकस वेःएदस ।

१ पितर ५ : ५

घर्मस जहड़िर गहि बिरोध नन्दस मुन्दा नरमियर मैइया सोग्गे
ए-रदस ।

रोमी ६ : १६

ईद आलस गहि बेदना करने मला, अरा आस गहि नलल करने हों
मला, ईद सुदो घर्मस गहि दया करने तली ।

प्रेरित ४ : ३३

अरा तैइरकर कोहा सवंग ती उर्वस यीशुस गहि उब्जा चो-चकन
तेंगा लगियर अरा आर ओर्मर नू बग्गे दया रहवा ।

२ कोरिन्थ ८ : ६

नीम नीमहे उर्वस यीशु ख्रिस्तस गहि दयन अखदर आस उरुब मनर
निभागे कीड़ा मज्जस का आस गहि कीड़ा मज्जकाती नीम उरुब मनोर ।

जियन किर्तःआना

प्रेरित क्रिया ३ : १६

जियन किर्तःआ दरा धर्मस तरा किरा होले आस निमहै उर्मी
पापन छेमा ननोस चिओस ।

२ कोरिन्थ ७ : १०

धर्मस तरती बरचका कोल्लम वी जिया बदलारई, एकती लांङरना
मनी, खेखेलता कोल्लम ती खेःएना मनी मुन्दा धर्मस तरता कोल्लमती
पसतारना मला मनी ।

मती ३ : २

बपतिस्मा चिउ योहनस बाचस; निमहै चलोन बदलभा ईगे का
मेखी राजी हेद्वे बरचा केरा ।

लूक १३ : ३

मला, ए-न निमन तेंगदन नीम निमहै उज्जना गहि चलोन मला
बदलओर होले नीम हों आर लेख अम खेओर ।

यशयाह ५५ : ७

पपहस तंगहै चलोन अम्बदस नेकआ, धरम म.लकस तंगहै धोखनन
बदलअदस नेकआ; आस उर्बस तराकिरदस नेकआ, जेनू आस मैइया दया
मनो आस छेमा मैइया छेमा चिओस ।

मत्ती ६ : १४

नीम आलर गहि गुनहन छेमा ननोर होले निमहै मेखी बंगस हों
निमहै गुनहन छेमा ननोस ।

प्रकाशित वाक्य ३ : २०

ए-रा ए-न बली नू इज्जअर ठोक ठोकाम बःअदन नीकइम एंगहै
सड़न मेनर बलिन तिसगोओस होले ए-न आस गुसन उला कोरओर आस
गने ओनोन-मोखोन अरा आस एंगने ।

दुनियादारी उजना ती तरकूटी मनना ।

इफिसी ५ : ११

ऊखा ता मलदव नलख ती अम्बा संगे मना प.हकन अटिन खांडआ ।

१ योहन २ : १५, १६

दुनियन अरा दुनिया ता आलोन हों चोन्हा अम्बानना नीकइम
दुनियन चोन्हा ननी होले आस नू बंगस गहि चोन्हा मला ।

कोलोसी ३ : २

दुनियन्ता मला प.हकन मेइयन्ता कत्या नू जियन लगाववा ।

तितस २ : ११, १२

लांडरनन चिउ धर्मस गहि दया ओर्मा आलर मभी दाइदर मंजा;
आद नमन तिगाबई का नाम धर्मसिन एलेचदत नेकआ दुनियाता चपचपिन
हीइदत नेकआ अरा इन्नेलाता दुनिया नू ने-त अरा धरम ती धर्मसिन
इलिचनुम उज्जदत ए-कदत नेकआ ।

१ योहन ५ : १८

नाम अखदत का एका ओर्तस घर्मस ती कुंदुरकस बेःएदस, अरा
नेकन घर्मस तंगहे खद्द कमचकस रअदस, आसिन आस ओर्दःअर उइदस,
एकती नाद आसिन पुल्ली एंवसरआ ।

१ पितर १ : २३

नीम बुडरुउ बिहनी मला मुन्दा मल बुडरुउ बिहनी इदातो घर्मस गहि
उज्जना, अरा सदौ रऊ अन्थन दव कत्था गहि लेके पुना कुंदुरनन खक्खकर
बेःएदर ।

योहन ३ : ३

यीशुस आसिन आना कित्तिचिस, ए-न निगन मानिम आनदन, आलस
पुना सिरे मला कुंदुरोओस होले घर्मस गहि बेल्खन पोळ्ळोस ए-रा ।

कोलोसी ३ : १

ईगे का नीम ख्रिस्तस गने उज्जदर अंगे मैइयन्ता मालोन बेदा,
एकसन ख्रिस्तस धर्मस गहि तीना चोक्ख उक्कस बेःएदस ।

इफिसी २ : १ और ६

नीम निमहै पाप बहु केच्चकर रहचकर, निमन वास उज्जता-
चस अरा यीशु ख्रिस्तस नू आस गनेम चो-दस अरा मेखी उहु नू आस
गनेम ओक्कताचस ।

मकाती ५ : २४

ने ख्रिस्तस गहि त.लनर आर कयन अदि गहि हुलार मरा चपचपी
गने क्रूश नू अरगाचर । रोमी ६ : २ और ११

नाम पाप खतरी गा केच्चकत तो एकासे फिन अन्नुम उज्जनुम
रओत ? अन्नेम नीम हों तंगअन पाप खतरी केच्चका अरा नमहै उबंस
यीशु ख्रिस्तस नू नम्है धर्मस गे उज्जना बुभुरआ ।

मल मुञ्जुरना उज्जना

31

योहन १७ : ३

नीन ओतं एकला मानी धर्मसिन अरा यीशु ख्रिस्तासिन ने-कन
नीन तइकय, अखनर नेकआ, इगिका ईदिम मल मुञ्जुरना उज्जना तली ।

योहन ५ : २४

ए-न निमन मानी मानिम आनदन; ने एंगहे कथन मिनी
अरा एंगहे तैइयुसिन पत्तई आर गे मल मुञ्जुरना उज्जना र:ई, आर
गे दंडे मला मनो ब.चकन आर खे:एनती कट्टियर दरा उज्जना नू
अंडसकर बे:एनर । रोमी ६ : २३

एन्देर गे का पाप गहि मुल्ली खे:एना नली मुन्दा यीशु ख्रिस्तस
नू धर्मस गहि चिच्चका बकसीस, मुन्जा मलका उज्जना तली ।

ने खदासिन पत्तई आर गे मुन्जा मलका उज्जना र:ई प.हकन
ने खदासिन मला पत्तई आर आ उज्जनन मला खकखोर ब.चकन धर्मस
गहि खींस आर मैइया मनो । योहन ३ : ३६

पोकता उबार (उद्धार)

यशायह ३२ : १७

धरमती उज्जना गहि खंजपा आलर नू मेसेरना अरा अदि गहि करने
सदो गहि सलसांत अरा निरदंद रःअना मनो ।

योहन १४ : २१

ने एंगहै पे-सकन खक्खर अदिन पूरा ननी आरिम एंगन लोला
नन्नर अरा ने एंगन लोला ननी आरिन एम्बस लोला ननोस अरा ए-न
आरिन लोला ननोन अरा तंगःअन आर नू दहदर ननोन ।

रोमन ८ : १६

बो-लता तानिम नमहै बो-लता गे गोवाही चिःई का नाग धर्मस गहि
खदत त.लदत । १ योहन ३ : १८, १९

एंगहै लेल्ले खदरो ! नाम कथा अरा ततखाती एकला मला मुन्दा
नलख अरा सत्ते ती लोला ननोत इत्तिम नाम अखदत का नाग सत्ते गहि
त.लदत अरा आस गहि मुन्दभारे नमहै जिया पोकता रओ ।

जिया उला रऊ ख्रिस्तस खुशमारनन चिःइदस । 33

योहन १५ : ११

यीशुस बाचस, इबडा कथन ईगे आनकन एकती एंगहै खुशमारना
निमनू रअःन नेकआ अरा निमहै खुशमारना पुरुचका मनन नेकआ ।

यशायह १२ : ३

आंगे खुशमारना गने उबार गहि कूबी ती नीमअम्म निन्दओर ।

गलाती २ : २०

ई लेखआ अक्कू गा ए-न मला उज्जदन मुन्दा ख्रिस्तस एंग नू
उज्जदस, एका उज्जनन ए-न अक्कू उज्जदन अदिन धर्मस गहि खहस, ने
एंगन दुलार नन्जस अरा एंगागे तंगहै जियन ची-चिच्चस आस नू प.त्तआना
तुले उज्जदन ।

भजन संहिता १६ : ११

नीन एंगन उज्जना गहि पाबन ए-दकोय, निगहै छमहे नू पुरुचका
खुशमारना रःई, निगहै तीना खेक्खा नू सदो-सदो गहि रिभिरना रःई ।

व्य. बिब. ११ : २६-२८

ए-रा, इन्ना ए-न निमागे बरकत अरा सरपे इजतःआदन; अगर नीम उर्बंस निमहै धर्मस गहि पे-सकन एकदन ए-न इगा चिःइदन नीम मनओर होलेगा बरकत मनो; मुन्दा उर्बंस निमहै धर्मस गहि पे-सकन मला मनओर होले निमागे सरपे मनो ।

२ थिस. १ : ७-९

नीम कलपारउर एम गने थिरारआ । उर्बंस यीशुस तं है सौंगिया मेख्वादूतर गने हद्दकारना चिच्चन् मेखाती हदहदरोओस अरा धर्मसिन बल्लनर आरती अरा तंगहै अन्थनदक्कत्थन मला मनडरती लेक्सा होओस । आर उर्बंस गहि छमहेती आस गहि सवंग गहि जोजोरनाती हेबड़ेरअर मुन्जाम.लका बुडुंरखच्चना गहि दंडेन खक्खोर ।

खृस्तासिन कबूल ननना चाड़ रई

35

मत्ती १० : ३२, ३३

“ने ने आलर गहि मुन्धओर ‘ए-म खृस्तस गहिम’ बःअरकी गच्छरनर आरिन ए-नहों मेखान् रऊ एम्बस गहि मुन्धभारे एंगहै बःअरकी गच्छरओन । मुन्दा ने ने आलर गहि मुन्धभारे एंगन नामुकिल कानर आरिन ए-न हों मेखान् रऊ एम्बस गहि मुन्धभारे नामुकिल कालोन ।”

रोम. १० : ६, १०

नीन वैइती उर्बस यीशुसिन माइन होओय, अरा जियाती पत्तोओय का धर्मस आसिन केच्चकर मक्तिन्ती उज्जा चो-दस होले निगहै उबार मनो । एन्देरगेका धर्मी मनागे जियाती पत्तःआना अरा लाइरआगे बैइती माईन होओना मनी ।

धर्म बबस गहि महबा खतरी उर्मी ततखा यीशु खृस्तासिन कबूल ननो का आस उर्बस त.लदस । फिल. २ : ११

शैतान नमहै दोकहर गहि सरदार तलै

१ पित. ५ : ८

निमत रःआ, एजेरकर रःआ ईगेका निमहै मुद्दै ई शैतान गरजारनु-
तिम सिघलकड़ा लेखआ निमन बेदाकुद्दी का नेकन खकहो आसीनिम
चरौ मो-खो ।

इफि. ६ : ११

धर्मस गहि उर्मि कमहड़न अत्ता का नीम नाद गहि बान
मुन्धभारे इज्जकिम रआ ओंगोर ।

मत्ती ४ : १, १०-११

अन्तिले यीशुस शैतानती बिठिरआगे बो-लतस गहि ठे-के रोड़ंगन्
केरस । खने यीशुस शैतानन आनियसः ए शैतान नीन इस्ते बोंगय,
ईगेका लिखिचका रईः “उबंस निगहय धर्मसिन एकला ओ-ललगय
अरा सुसरःअय ।” खने शैतान आसिन अम्बिया । अन्तिले मेख्खिदूतर
बरअर यीशुसिन सुसराचर ।

१ यो. ३ : ८

ने पाप ननी आस शैतानती त.लदस आंगे शैतान ओंद ओड़ेनतिम
पाप नननुम बरचकीबिःई । धर्मो खदस ईगेम द.हदर एत्थरस का
शैतान गहि नलखन नठाबओस ।

याकूब ४ : ७, ८

आंगे धर्मोस गहि तबेनू रआ । शैतानन अड़आ होले आद
निमगुस्ते बोंगो । धर्मोस हेद्दे बरा होले आस निमहेद्दे बरओस ।

२ थिस. २ : ८

अन्तिले आ हरमजदस दहदर ननतारओस । आसिन उबंस
यीशुस तंगहै बैइ गहि बो-लताती चुड़ चुड़मबओस चिओस अरा तंगहै
दोसर खेवा बरना गहि भकमकरनाती आसिन बिल्हाबाच खच्चोस ।

38 चोन्हा ननना चेला मनना गहि अटगःआना तली

यो. १३ : ३५

नीम निमहे मभीन् लोला नन्जनखरओर होले इत्तिम ओर्मर
अखओर का नीम एंगहे चेलर त.लदर ।

१ यो. ४ : २०

एका ओर्तस बःअदस का ए-न एंगहे भैइसिन दुलार नन्दन,
पेहकन आस आसिन खांइदस आस फसकर त.लदस ईगे का आस
तंगहे भैइसिन ने-कन आस ईरकस रःअदस आसिन दुलार मला नन्दस
होले धर्मसिन ने-कन आस मला ईरकस रःअदस एकासे दुलार नना
ओंगोस ?

गल. ५ : २२, २३

पंहकन बो-लतस गहि खंजपा इबड़ा तलीः लोला, खुशमारना,
थीरारका जिया, धिरजा घरना, नरमिया, दव, जियान् सन्नी, संयम ।

यीशु खृस्तस गहि उज्जा चोःओना

39

रोम. ४ : २५

यीशुस नमहै अक्काबलका चहुँ धरतारस अरा नमहै ठहरारना
खतरी उज्जा चो-दतारस ।

यो. २० : २६-२८

अखे उज्जा खो-खा फिनहों चेलर एइपा उला रहचर । थोमससहों
आर गने रहचस, आर बलिन मुच्चमलगियर खने यीशुस बरचस
अरा आर गहि मझीन् इज्जस दरा आनियस “निमागे जोसजोरना
मनन नेक्या ।” अन्तिले आस थोमससिन आनियस, “निगहै अंगलिन
इतरा ओन्दोरअर एंगहै खेकखन पसन्द नना, खेकखन ओन्दोरअर
एंगहै एंओखन कप्पा अरा मलपत्तुऊ मला मुन्दा पत्तुऊ मना ।” खने
थोमसस आनाकित्तिचिस “एंगहै उबंय अरा एंगहै धरमे ।”

आ बीरिन्तिम यीशुस तंगहै चेलारिन एन्ने तेंगा ङ्खरस, "एंगा यीरुशलीम काना चाइ रःई जेनु पुरनियर, कोहा, नयगर अरा शास्त्रर गहि खेक्खाती बग्गे दुक्खे चो-दओन अरा पिटतारओन, अरा उल्लमून्द नू उज्जा चोःओन ।"

गती १६ : २१

एन्देर नीम बलदर का नाम एवंदत खृस्त यीशुस गहि बपतिस्मा ओच्चकत आस गहि केच्चका गहि बपतिस्मा ओच्चकत ? ओती आ केच्चका गहि बपतिस्मा खक्खनाती नाम आस गने मांङ्गरकत जेनु एकासे खृस्तस बंगस गहि महवा गहि ले-के केच्चकर गहि ङ्खिन्ती उज्जा चो-चस अन्नेम नामहों पुना उज्जना लेख्खा उज्जोत-ए-कोत ईयेका नाम आस गहि केच्चकानू ओटम मन्नाली आस गने खोजंरकत बेःएदत अरा ई करने नाम मानिम आस गहि उज्जा चोःओनानू ओटम मनरकी खोजरोओत कालोत ।

रोमी ६ : ३-५

उर्बस खतरी नेमहा

41

१ पित. १ : १५

एकासे निमहै इडउस नेमहा त.लदस अन्नेम नीम हों तंगआ
सोंये उज्जना ए-कनानू नेमहा मना ।

मत्ती ३ : ११

ए-नगा निमन जियन कित्तःआना खतरी अम्मती बपतिस्मा
चिःइदन मुन्दा एंगहै खो-खान् बरउस एंगती कोइहे सोंगिया रःबदस,
ए-न आस गहि खरपन चो-दना जोगे म.लकन, आसिम निमन नेमहा
बो-लतस अरा चिच्चती बपतिस्मा चिओस ।

लूक १ : ७४, ७५

धर्मस नमा खतरी इदिन चिःइदस नेकआ का नाम नमहै हींइउर
गहि खेकखाती लांइरोओत दरा बेगर एलचम आस गहि मने लेखआ
ने-त अरा नेमहाती उज्जना गूटी आस गहि सेवासुसर नन्दत नेकआ ।

रोम. ८ : ६

धर्मस गहि बो-लता निमन् अडमडचकी रःई आगे नीम कया
गहि मला मुन्दा बो-लता गहि त.लदर ने-कन् खृस्तस गहि बो-लता
मला आस खृस्तस गहि म.लदस ।

प्रे. क्रि. १ : ८

नेमहा बो-लतस निमन् बरओस होले नीम सवंग खकखोर अरा नीम
एंगहे गोवाही चिःउर मनोर ।

प्रे. क्रि. ४ : ३१

आर गहि विन्ती नन्जका खो-खा आ अड्डा एकसन वार खोडोरकर
रहचर नुकरा केरा, अदा आर ओर्मर नेमहा बो-लतसती निन्दयर
दरा धर्मस गहि कथन तेंगा हेल्लरर ।

खृस्तानरगे धर्मस गहि ह्यकटजो-गे गच्छरका 43

१ पित. ४ : १२, १३

अना दुलाहरो, निमन बिठआगे चिच्च लेखआ बिठरगा निम.गे
मना लगी अदिन एकअम अन्हद कथा एमन् मञ्जकी बिःई बःअर
घन्दहा अम्बा मना । मुन्दा एकन्ने-एकन्ने खृस्तस गहि सस्तीन् मेसेरदर
अन्नेम-अन्नेम रिभिरआ एकस्ती एकाबीरी आस गहि महबा दहदहरओ
आबीरी नीमहों अकय रिरयारदर नेकआ ।

म. सं. ३४ : १८

ने-खै जिया खोदखुरकी रःई आर गहि हेद्दे धर्मस रःअदस;
अरा ने-खै जिघानू पछतारना मनी आरिन बछाबःअदस ।

उबंस बःअदस, अबडा उमी आलोन, अरा उमी एकदा बञ्चकी
रःई अबडन एंगहे खेक्खादिम कमचा; ए-न कीडासिन अरा ने-खै
बो-लतान् पछतारना रःई अन्ति ने एंगहे कथन मेनर असरी, आस
मैश्या दया ननोन ।

यशौ. ६६ : २

भ. सं. ३४ : १६

धर्मरगे अकय बग्गे दुक्खे रःई; मुन्दा उबंस आरिन भबडा उर्मती
लांडदस ।

रोमी १६ : २०

जोलोजना गहि धर्मस शैतानन चांडेम निमहे खेडुती गेज्जतःआदस
नेकआ ।

१ कोर. १० : १३

नीम एकअम एन्ने बिठिरनान् मला मन्जकर रःअदर एकदा
आलर गहि सहनाती ओत्था रःई : धर्मस पतियारजोगे त लदस । आस
निगन सहनाती बग्गे बिठिरना गहि दुक्खे मला मना चिःओस । बचकन
बिठिरना संगे संगे अदिन जितना गहि उहरेनहों ए-दप्रोस जेन् अदिन
नीम सहआ ओंगोर ।

इब्रा. २ : १८

ईगेका यीशुस तानिम बिठिरना गहि दुक्खेती सोढरस, आस
आरिन ने बिठिरना गहि दुक्खेती सोढोरनर संगरा नना ओंगदस ।

प्र. वा. ३ : २१

ने जीत खक्सोस आसिन ए-न एंगने बे-ऊकंडोन् ओकतोओन
एकासे ए-नहों जीत खक्सर एंगहै बंगस गने आस गहि बे-लकण्डोन्
उकन रःअदन ।

प्र. वा. २१ : ७

ने जीत खक्सोस आसिम इबडा आलोगुट्टी गही खट्टरऊ मनोस,
ए-न आस गहि धर्म मनोन अरा आस एंगहै खहस मनोस ।

प्र. वा. २ : ७

खेबदन ओहअरकी मेना का खस्तानी मण्डली गुट्टिन बो-लतस
एन्देर बःअदस । ने जीत खक्सोस आसिन एका उज्जना मघ धर्मस
गहि मेखा बेलखा गहि मभीन् रःई अदी गही खंजपन मो-खा चिःओन ।

46 मुक्कामे-तगहि अम्बरनखरना पत्तन् धर्मस वःअदस

रोमी ७ : २, ३

बेजेरका आली तंगहै आलस गहि उज्जना गूटी आसती हे-रकी रःई । मुन्दा आस गहि केच्चका खो-खा आद ने-गयार लेखआ आद आ तंगहै आलसती बिच्छरतारा केरा । तंगहै आलस गहि उज्जना-बीरी आद नन्नस संगे बेजेरओ होले आद भन्डरुउ आली मन्जा केरा; मुन्दा अदी गहि आलस केच्चस केरस होले आद आ ने-ग लेखआ बिच्छरतारा केरा, एन्नेका आद नन्ना आलस संगे बेजेरओ अन्नुहों भन्डरुऊ आली मल्ली ।

मत्ती ५ : ३२

अक्कुन ए-न निमन आनदन : “एकअम ओर्तस भन्डरना गहि पापन अम्बर एकअम नन्ना करनेती तंगहै आलिन अम्बदस, आस अदिन भन्डरना गहि पाप ननतःआदस, अरा अम्बरका मुक्कन बेजेरदस आसहों भन्डरना गहि पाप ननदस ।”

योहन १४ : ३

ए-न कालोन दरा निमागे अड्डा कमओन, अन्तिले बरओन दरा निमन
एंगुसन होओन जेनू एकसन ए-न रःअदन असन नीमहो रओर ।

मत्ती २४ : ३०

अरा आ बीरी आलखइस गहि चिन्हा मेखान् एथेरओ । अरा
आबीरी खेखेल गहि उर्मी खूंटता आलर खोबरारओर । आर
आलखइसिन सवंग अरा अकय ओहमा सगे बदाली नू बरनन ए-रओर ।

मत्ती २४ : २७

एकन्ने लवका बीड़ी अर्गना तरती लवकारई अरा बीड़ी पुत्तना
अड्डा गूटी बिल्ची, अन्तेम आलखइस गहि बरना हों मनो ।

प्र. वा. ३ : ११

ए-न चांडेम बरऊ रःअदन, निगुसन एन्दरा रःई अदिन जतनःअर
उइया जेनू ने-कइम निगहै बे-लपगन अम्बनर बच्चनर नेकआ ।

१ यो. ३ : २

अना दुलाहरो अक्कुन नाम घर्मस गहि खहत त.लदत अदा
अक्कुगूटी ईद दहदर मला मन्जकीबिःई का नाम एन्दरा मनोत ।
मुन्दा इवदागा नाम अखदत का एकाबीरी आस दहदर मनोस आबीरी
नामहों आस लेखअम मनोत एन्देरगेका नाम आसिन अन्नेम ए-रोत
एकासे आस रःअदस ।

प्र. वा. १६ : १५

एरा ए-न खलबस लेखआ बरदन, आस खुशगारऊ त.लदस ने
इजिरकिम रःअदस, अरा तंगहै बांचरनन जतनाचकस रःअदस, एन्ने
अम्बन मनन का आसगे थोधम ए-कना मनो अरा आलर आस गहि
लज्जेन ए-रोर ।

लूक १२ : ४०

अंगे नीमहों सपडारकर रःआ एन्देरगेका एकाबीरी नीम आशेपेंडा
मला ए-रोर आ बेडानुम आलखदस बरओस ।

भ. स. ११६ : १०५

निंगहै कत्था एंगहै खेड्डु खतरी ढिबरी अरा एंगहै डहरे
खतरी बिल्ली तली ।

लूक २१ : ३३

मेख्वा अरा खे-खेल ताडरोओ कालो मुन्दा एंगहै कत्था
इकलाहो मला ताडरोओ ।

२ तिम. ३ : १६

धर्मस गहि उमी कत्था आस गहि कढियाचकाती दूडिरकी
रःई, अरा मेन्दना, तिगाबःअना, सुठरःआना अरा ने-तधरमन्
डहरे ए-दआगे फायदाचिःऊ तली ।

भ. स. ११६ : ११

ए-न निंगहै कत्थन जियाउला नुंङ्गुचकन रःअदन एकती
ए-न निंगहै बिडदो पाप अम्बदन ननदन नेकआ ।

For more information or to request a free Bible study, please write to:

WMP
India Bible Literature
67 Beracah Road
Kilpauk
Madras 600 010

or

New Life Fellowship
PO Box 6497
Mahim
Bombay 400 016
India

1.5M

Bihar Madhya Pradesh

W Bengal Orissa Bangladesh

Kurux

KVN

63 Oraon